




BIBLIOTHECA
UNIV. TACELI
TRACOMIENSIS

Inst. Corp.

39100

I Mag. St. Dr. P



1869. II. 17.

COMPENDIUM JURIIUM
DISSIDENTIBUS
IN RELIGIONE CHRISTIANA
IN REGNO POLONÆ *Febr. 2007*
ANNEXISQVE PROVINCIIS INSERVIENTIUM

EX
GRATIANI SEVERINI LIPINSKI,
NOB. PRUTH.
AD
VINCENT. CONSTANT. STARODOBRSKI,
NOB. POL.

EPISTOLA

ANNOS 1712. TYPIS VULGATA

NEC NON

EX

GODOFR. LENGNICHII
COMMENT. AD PACTA CONVENTA
SEREN. REG. POL.

AUGUSTI TERTII

EXCERPTUM.

BIBLIOTE. UNIV.

LIBRARIAT.

LACTANTIUS Inst. div. L. V. C. 20.

Defendenda Religio, non occidendo, sed monendo, non sævitia, sed patientia, non scelere, sed fide. Nam si sanguine, si tormentis, si malo Religionem defendere velis, jam non defendetur illa, sed polluetur atque violabitur. Nihil enim est tam voluntarium, quam Religio, in qua si animus aversus est, jam sublata, jam nulla est.

39100

I

Qualiter Pax Religiosa inter Dissidentes in Religione Christiana in Regno Poloniae annexisque Provinciis coaluerit, quibusque nitatur juribus, deductum fusius in Scripto Berolini Ao. 1708. in Typographia Regia impresso, cui Titulus: *Jura & Libertates Dissidentium in Religione Christiana in Regno Poloniae & Magno Ducatu Lithuaniae ex Legibus Regni & aliis monumentis Authenticis excerpta.* Eadem in compendium redacta, & quae huc praeterea pertinent, exhibet Auctor Dissertationis manuscriptae: *De Juribus Protestantium in Polonia & incorporatis Provinciis*, sequentem in modum:

Quae in Regno Poloniae incorporatisque eidem Provinciis inter Dissidentes de Religione Christiana asserta Pax, eadem in Imperio Romano-Germanico inter eosdem Dissidentes per *Transactionem Passaviensem Anno 1552. die 2. Augusti* initam & *Pacem Religiosam Augustae Vindelicorum die 25. Septembris Anno 1555.* factam stabilita, & per *Pacem Osnabrugo-Monasteriensem Anno 1648. Artic. 5.* confirmata fuit. Veniunt autem Dissidentium in Religione Christiana nomine Romano-Catholici ab una, & Protestantes, sive hi quorum professio fidei christianae ab illorum placitis in aliquibus differt, ab altera parte, utpote inter quos motus orti fuerant, adeoque necesse erat inter eosdem pacem conciliari, quod publica tranquillitas restitueretur & sacra tecta conservaretur, & omnis discordiae ac diffidentiae radix ex animis in Religione discordibus penitus evelleretur. Atque sicuti in Imperio Romano-Germanico contra hanc Pacem Religionis vel ipsorum Summorum Pontificum eorumque nomine illatae contradictiones aut Protestationes notorietate publicae testante nihil quicquam profecerunt, sed eadem Pax in hanc usque diem immota stetit & stat: ita quoque in Regno Poloniae tantum abest ut propter interpositas aliquando ab hoc aut illo objectiones & protestationes factam inter Dissidentes pacem invalidam redditam esse dici queat, ut potius eandem non interruptam temporum serie tot repetitis Confederationibus, Pactis conventis, atque Juramentis Regiis stabilitam & confirmatam ipsa comprobet experientia. Unde facile concidunt illo-

*) o (*

rum asserta, qui vel Evangelicos sive Protestantes Hæreticorum appellatione gravant, vel pacem Religionis cum ipsis initam ideò irritam esse contendunt, quòd Regibus & Statibus Pontificiæ Religionis addictis per vim quasi sit extorta, siquidem illos dicere Hæreticos, qui articulos fidei quam profitentur in Scriptura Sacra juxta sensum & mentem Spiritus Sancti fundatos & in Oecumenicis Conciliis & Symbolis professos agnoscunt & probant, id quod Augustanam Confessionem sequentes faciunt, perinde absurdum est, quam pacem tot vicibus tantaque publicorum Pactorum & Juramentorum religione decretam obtentu coactionis infringere.

Post obitum siquidem Regis Sigismundi Augusti facta est Confederatio omnium Ordinum Regni in Convocatione Generali Varsaviæ die 28. Januarii Anno 1573. In hac quam sollicitè cautum sit Libertatibus non in civilibus tantum sed in spiritualibus, ostendunt verba in Volumine Constitutionum Regni pag. 208. 209. expressa: *Inaczey na zadnego Pana nie pozwalac. &c. In Regem aliter non consentiendum, nisi sub hac certa & expressa conditione & præcuditione quòd Jura Nostra omnia, Privilegia, & Libertates nostras quæ sunt, & quæ post Electionem illi offeremus, jurejurando prius confirmabit. A minanowicie to poprzyśiądz &c. hoc est: Imprimis verò jurejurando recipiat, Pacem universalem inter Dissidentes in Religione conservare & tueri— A iż w Rzeczypospolitey Naszey nie małe jest dissidium &c. h. e. Quandoquidem autem in Republica Nostra non parvum reperitur in causa Religionis Christianæ dissidium, occurrendo, ne ea de causa inter Incolas perniciose aliqua seditio oriatur, cujus exempla in aliis Regnis luculenter videmus, mutuo promittimus pro Nobis & Successoribus Nostris in perpetuum, sub vinculo juramenti, sub fide, honore & conscientiis nostris, quòd Nos, qui Dissidentes in Religione sumus, mutuam invicem pacem conservare, neque ob aliquam diversitatem in sacris sanguinem effundere, neque pœnis confiscationis bonorum, infamie, carceris & exilii invicem animadvertere, neque alicui Magistratui sive Officio ad ejusmodi factum ullâ ratione auxilium ferre velimus. Imò quodsi quis tale quid patrare præsumat, hac sola de causa omnes*
huic

*) o (*

huic ausui sese opponere tenebimur, etiamsi sub prætextu Decreti aut Processus alicujus judicarii id obtinere conatus fuerit. Hæc Confœderatio confirmata fuit in Articulis Pactorum Conventorum inter Ordines Regni & Legatos ac Oratores Henrici Regis die 16. Maji Anni 1573. ubi dicti Oratores recipiunt & spondent nomine Serenissimi Electi: Omnia jura &c. circa Electionem Regis sancita integrè & inviolabiter Eum servaturum, atque etiam juramento corporali confirmaturum &c. &c. Inter hæc verò Jura vel inprimis Confœderatio Generalis locum sibi vindicat. In juramento verò à Rege tunc solenniter præstito his verbis cavetur Libertati Religionis: *Pacemque & tranquillitatem inter Dissidentes de Religione tuebor, manutenebo, nec ullò modò vel Jurisdictione Nostra, vel Officiorum Nostrorum & Statuum quorumvis autoritate ququam affici opprimique causa Religionis permittam, nec ipse afficiam, nec opprimam. Sic me DEUS adjuvet.* Vid. Volum. Constitut. pag. 226. 227. Quæ juramento comprehensa Rex Henricus deinde post Coronationem ex superabundanti, ut ipse loquitur, solennibus Literis confirmavit die 22. Aprilis Anno 1574. d. Vol. Constit. pag. 229. Nec est quod moveri super hac re dubium aliquod posset, cum (præter ea, quæ Stephanus Junius Brutus, sive, qui sub hoc nomine latere voluit, Hubertus Langvetus in vindiciis contra Tyrannos *Quest. 3. pag. 255.* notavit, conditionem nimirum de Pace inter Dissidentes servanda Henricum conceptis verbis, ter stipulantibus Proceribus, ter sponso) quòd Henricus re verâ ita juraverit præmemorata formula juramenti sufficienter testetur, quæ non modò à Rege Stephano repetita, vid. Volum. Constitut. pag. 250. sed & in Constitutione Comitiorum Coronationis Regis Stephani Anno 1576. expresse ordinum, quòd perpetuis temporibus Reges eâ formulâ, quâ Henricus & Stephanus jurarunt, jurare debeant d. Constit. pag. 278. Prætereà in Confœderatione post mortem Regis Stephani inter Senatores & Nobilitatem Palatinatum Cracoviensis, Sendomiriensis, & Lublinski Cracoviæ Anno 1586. inita, discurtis affirmetur verbis: *Confœderationem inter Dissidentes de Religione per Reges Henricum & Stephanum ju-*

ramento comprobata esse. in Vol. Constit. pag. 399. seq. Id quod subsecutis etiam temporibus celebrati Confœderationum, Electionum, & Juramentorum Regiorum Actus evidentissime testantur. Eadem Confœderatio luculentius adhuc est confirmata in *Literis Confirmationis articulorum Henrico Regi antea oblatorum* in Vol. Constit. pag. 253. Artic. 2. *A iż w tey zacney Koronie Narodu Polskiego &c.* hoc est: *Quandoquidem in hoc Illustri Regno Nationis Polonicæ & Lithuanicæ, Russicæ, Livonicæ &c.* non pauci reperiantur Dissidentes in Religione, occurrendo quibuscunque imposterum seditionibus & tumultibus, & inde litibus aut certaminibus Religionis causa oriundis, caverunt sibi invicem quidam cives Regni hujus peculiari Confœderatione, se in causis Religionem concernentibus omnino in pace conservari debere, quam quidem nos illis integrè & in perpetuum conservare promittimus. Similiter in *Literis pactorum conventorum Legatis Regis Stephani propositorum & ab iis susceptorum Varsaviæ die 14. Decembr. Anno 1575.* cautum fuit: *Omnia Jura &c.* Nec non *Articulos in Electione Henrici Regis conscriptos & ab Ordinibus oblatos primam hic Varsaviæ ac ipsis Legatis, deinde Parisiis ab utroque Rege, publico juramento approbatos confirmavit.* vid. Volum. Constit. pag. 252. Id quod etiam præstitisse Regem Stephanum, patet ex *Literis Confirmationis illorum articulorum datis in Transylvania in Oppido Meggis 8. Febr. 1576.* his verbis: *Quos quidem articulos seu Leges in omnibus earum punctis & conditionibus — sine ulla excusatione & exceptione firmiter, inconcussè, & inviolabiliter tenere, observare, adimplere, & exequi, & teneri, observari, adimpleri, & exequi facere promittimus.* Constit. Regni pag. 257. Porro in *Literis Confirmationis Generalis Jurium ante Coronationem 8. Febr. Anno 1576. factæ* in hunc etiam articulum de Dissidentibus omnes & singuli Ordines Regni, nemine contradicente, consenserunt, dum *Declarationem Regiam*, quod Generalis illa Confirmatio Juri Dissidentium derogare non debeat, approbarunt & typis exscribi mandarunt his verbis: *Quod verò supra hisce Literis Privilegia, Libertates Ecclesiasticas, cum cæteris confirmavimus, id nihil articulo juramenti derogare*

rogare volumus, videlicet pacem & tranquillitatem inter Dissidentes de Religione tuebimur & manutenebimus &c. Quem incoucussè, firmiter & inuolabiliter ac cum effectu Nos observaturos promittimus ac spondemus. — A tak My wyżey pomienione Rady &c. Et ita Nos supra nominati Consiliarii Regni &c. In subsecuta deinde Confirmatione Generali omnium Furium sub tempus Comitiorum Coronationis die 4. Maji Anno 1576. expedita in eundem articulum de Dissidentium libertate iisdem, ut supra, verbis conceptum cum Rege consenserunt eique subscripserunt primaria nomina ex Clero Romano atque Ordine Senatorio & Equestri, quæ exhibet *Volumen Constitut.* pag. 271. 272. Quo autem integritati articuli hujus nihil omnino deesset, in hisce ipsis Coronationis Comitiiis Articulus hic ejusque confirmatio, ipsissimis verbis è Confirmatione Henrici Regis huc translatis, repetitur & inter Leges censetur: *A iż wtey zacney Koronie Narodu Polskiego &c. Et quoniam in hoc Illustri Regno Nationis Polonicæ &c. Constitut.* pag. 275. Id quod altero eorundem Comitiorum Statutò luculentius confirmatur pag. 295. sub Tit. *Interregni Acta. Wszystkie sprawy, Confederacye, Warunki, przeszłych czasow Interregni — skutek swoy mieć mają &c. Omnia Acta Confederationes, Reservationes præteritorum temporum Interregni — effectum suum habere debent. &c.*

Mortuò Anno 1586. d. 12. Decembr. Rege Stephano subsecutum est Interregnum, ubi quemadmodum Confœderatio illa in specie ratione Pacis Dissidentium conservata & approbata sit mediante inter Senatores & Nobilitatem Palatinatum Cracoviensis, Sendomiriensis, & Lublinensis sancitâ die 27. Decembris confœderatione, videre est ex *Volum. Constit.* pag. 399. seq. ibi: *Ktora Confœderatia Dissidentium de Religione iż przestrzega Pokoju — in robore suo relinquimus. Quam Confœderationem Dissidentium de Religione, quandoquidem ipsa pacem & amorem fraternum jubet, in robore suo juxta suam continentiam in toto relinquimus. Quod repetitur & approbatur in Instrumento Kaptur dicto ibidem pag. 404. Przynrzekamy też y postanawiamy — Spondemus etiam & constituimus Pacem & amorem fraternum, ne dissidiis, obreçtationibus, jurgiis,*

*) o (*

8

jurgiis, scissionibus ullis locus sit, atque universi in pace Deum colant. Quod ipsum quia etiam Confœderatio Dissidentium in Religione cavet, idè eam quoque juxta suam continentiam in suo plenissimo robore integram & inviolabilem relinquimus & approbamus; & post pauca: Omnes istos hæcenus recensitos articulos spondemus pro Nobis & Posteris Nostris tam in parte, quam toto, constanter observare & custodire, sub fide, honore, & conscientiiis nostris. Quodsi quis istis se opponere voluerit, pacemque & ordinem publicum turbare ausus fuerit, contra talem omnes consurgemus in ejus destructionem. Quo in loco etiam jurium hujus Confœderationis participes faciunt, iisque gaudere jubent omnes Urbes, oppida, cujuscunque Status & conditionis homines, nullis exclusis, decernendo, ut violatores eorum pœnis ibidem decretis succumbant. dict. pag. 404. Subscripsit inter alios Petrus Myzskowski Episcopus Cracoviensis pro se & aliis tunc absentibus.

Proximò Anno 1587. die 7. Martii subsecuta est Confœderatio Generalis Varlaviensis, in qua prior illa inter Statuta denuò recepta pag. 409. circa fin. eidemque subscripsit inter alios etiam Episcopus Camenecensis Laurentius Goślicki. Eodem tempore, die scilicet 8. Maji Anno 1587. in Consultatione circa necessaria quædam Reipublicæ Palatinatus Sendomiriensis eadem Confœderatio ratione Articuli de Dissidentibus expresse & plenissimè confirmatur. Vid. Volum. Constit. pag. 423. ibi: My Rady y Rycerstwo &c. Nos Senatores & Nobiles qui huc ad Pokrywnice convenimus &c. &c. In Consultatione vero posteriori ejusdem Palatinatus violentia per destructionem & everSIONem Ecclesiæ Cracoviensis gravissimâ censurâ notatur, &, ne simile quid imposterum fiat, severè statuitur. Nos Senatores Regni & Nobilitas Palatinatus Sendomiriensis. Cum durante presenti nostro Conventu nuncium ad Nos delatum sit Confœderationi recens vim illatam esse everSIONe Ecclesiæ Cracoviensis, hoc in passu Dominus Palatinus Cracoviensis, tanquam is cui Respublica illo in loco tranquillitatis publicæ procurationem commisit, hortandus est, ut officio suo diligenter defungatur. Istud vero facinus sum merito universam Rempubicam tangat, quandoquidem de conservanda

servanda Pace publica agitur Juramentis Regum nostrorum firmata, spondemus, in proximâ Electione nos omnes urgere velle, ut Auctor sceleris, æque ac qui illud perpetrarunt, severè puniantur, utque huic rei ita impostero prospiciatur ne similis petulantia civili, quod DEUS avertat, bello in Patria Nostra occasionem præbeat, quandoquidem facta ejusmodi minimè Christiane aliis Monarchiis ultimi ferè exitii causa extitère. Et paulò post: Etiam Confœderatio inter dissidentes de Religione confirmata est; quam ad securitatem Reipublicæ pertinere, si, quæ aliis Regnis ebenere, oculis subjiciamus, quis est qui non videat? Vol. Constit. pag. 424. seq. Subsecuta est Electio Sigismundi III. Varsavia die 19. Augusti Anno 1587. ubi, cum Legatis Pacta à Serenissimo Rege subscribenda proponerentur, expresse fit mentio Confœderationis inter Dissidentes in verbis: Confœderationem inter Dissidentes de Religione non solum juramentò: uti à Serenissimis Henrico & Stephano Regibus Poloniae & Prædecessoribus suis factum est, conservabit, verùm etiam Processum & executionem utrique parti servientem contra violatores ejus oblatam sub juramento observabit — Vol. Constit. pag. 453. Tempore Coronationis Sigismundus Rex in Juramento iisdem verbis, quibus ante Eum cæteri Reges, Dissidentium securitati in sacris cavit: Ego Sigismundus III. Dei Gratia Electus Rex Poloniae spondeo ac sanctè juro — Pacem quoque & tranquillitatem inter Dissidentes de Religione tuebor. — Constit. pag. 446. Porrò in Confirmatione Jurium satis provide cautum: Quod vero supra hisce Literis Privilegia, Libertates Ecclesiasticas cum cæteris confirmaverimus, id nihil articulo hujus juramenti derogare volumus, quod videlicet Pacem & tranquillitatem inter Dissidentes de Religione tuebimur & manutenebimus — Quam inconcusse, firmiter, & inviolabiliter Nos observaturos promittimus ac spondemus. Cui Cautioni subscripta sunt nomina Archi-Episcopi, Episcopi Cracoviensis, Vladislaviensis, Przemisliensis, Samogitiæ, Camenecensis & aliorum Senatorum. Vid. Volum. Constitut. pag. 449. Præterea quanta sollicitudine Paci huic inter Dissidentes Rex Sigismundus cautum voluerit, legi omnino merentur verba in

Recessu Comitiorum Coronationis in Volum. Constit. pag. 490. & 491. Item jakosmy Conföderacya à w niey Pokoy &c. h. e. Item quemadmodum Conföderationem & in ea Pacem inter Dissidentes in Religione Christiana, primum Olivæ, deinde hic in Coronatione Nostra, manutenere & tueri jurejurando promissimus, ita eadem semper fuimus sumusque mente, ut processus & executio utriusque parti serviens contra violatores hujus pacis sufficienter constitueretur. Et quia Tribunal Regni hanc etiam Pacem Decretis quibusdam turbare præsumebat, provisum est in Comitiiis Varsaviæ die 23. Novembr. Anno 1627. celebratis sub Tit. O Dekretach Tribunal-skich, De Decretis Tribunalitiis pag. 9. Tribunal iż potestatem condendarum legum nie ma. &c. Quoniam Tribunali nulla data est potestas condendarum legum, sed solummodo secundum leges à tota Republica statutas judicare tenetur: Proindè causas in volumine Legum non descriptas, neque ad judicandum admittere, neque pœnas irrogare, nec iisdem quempiam aggravare debet supra id quam Legge publicâ fuerint determinati. Et sicubi ejusmodi sententiæ sive clausule latæ deprehendantur, quæ vim legis sapiant vel pacem publicam turbent, prout quædam additamenta in nonnullis Decretis novissimi Tribunalis Lublinski id continent, iisdem nemo urgeri debet, imò Decreta tali nullitati subjecta sint. Eum pariter in finem, & ne petulantia aliorum Dissidentibus molestia crearentur, in Comitiiis Varsaviensibus die 12. Martii Anno 1631. habitis sancita fuit hæc Lex pag. 8. sub Tit. Zatrzymanie pokoju pospolitego. Conservatio pacis publicæ. Iż pod prætextem Religiey Katolickiey &c. Quoniam sub prætextu Religionis Catholicæ à licentiosis hominibus in Terris nostris varii tumultus & violentie excitantur, quo fit, ut pax publica scindatur & plurima incommoda inde enascantur. Nos ergo pacem publicam & securitatem in Regno Nostro conservare licentiamque ejusmodi coercere volentes, contra omnes, quicumque tumultibus & licentiosa petulantia publicam securitatem violare audebunt, forum coram Tribunali inter causas recentis criminis statuimus, & ut pœnis contra violatores pacis publicæ statutis puniantur decernimus.

Post

Post obitum Regis Sigismundi III. tempore Interregni in *Confœderationis Cracoviensis Instrumento Kaptur dicto & Varsaviae die 15. Julii Anno 1632. erecto & unanimiter approbato hæc leguntur: Vinculum inter Nos ratione Dissidentium in Religione factum inviolabiliter in omnibus articulis, punctis & clausulis secundum antiquum Legum tenorem servare sancte promittimus. Et si quis quacunque ratione unionem hanc scindere præsumpserit, juxta obligationes superius nominatas adversus eum procedemus. Eodem Anno 1632. die 16. Julii in Confœderatione Generali Varsaviensi omnium Ordinum Regni & Magni Ducatus Lithuaniae securitati pacis inter Dissidentes sequentibus provisum Ordinationibus: Przytym aby pokoy pospolity &c. Insuper ne Pax publica ulla ex causa turbetur, cavemus hoc Dissidentibus in Religione Christiana, quod pacem omnimodam Nos & Posteris Nostri invicem sub fide, honore & conscientis conservabimus, propter ejusmodi differentias in Religione sanguinem non effundemus, neque ob hanc diversitatem litem alicui movebimus, neque confiscatione bonorum, infamia, carceribus, & exilio, aut quibuscunque aliis pœnis invicem animadvertemus, neque ulli Magistratui aut Officio ea in re auxilium præstabimus. Imò quodsi quis ea de causa sanguinem effundere, aut dicta pacta violenter rumpere præsumat aut pœnas superius recensitas extendere velit, omnes ea propter ad defensionem insurgere tenebimur, etiamsi quis sub prætextu alicujus Decreti aut Processus forensis id agere sustineat. Præterea cavemus, ne Decreta Tribunalitia Regni & Magni Ducatus Lithuaniae, que vim Legis sapiunt, contra securitatem & Pacem Dissidentium lata in quolibet officio ad executionem deducantur, prout Constitutione Anni 1627. expressè cautum habemus. Et sicubi contra hanc Constitutionem decreta aliqua aut protestationes intercesserint in quovis judicio, ea nullius valoris esse declaramus. Similiter Mandata omnia Pacem inter Dissidentes tollentia ex Cancellaria vivente Rege data nullius ponderis æstimabuntur, neque imposterum extradentur. In Civitatibus Regiis, ubi in præsentis Dissidentes in Ecclesiis à se erectis publico gaudent Religionis exercitio eodem imposterum quoque, perinde ac nunc,*

gaudere & uti poterunt. Ubi vero Ecclesias in presenti ad eum usum erectas non habent, eas ad evitandos tumultus ibidem erigere non debent. Utique privatim unicuique peregrè venienti devotionibus sacris in ædibus privatis tuto operam dare integrum est.

Quantumvis Constitutio Anni 1631. contra violatores securitatis publicæ satis rigorosè sancita fuerit, declaramus tamen, quod imposterum ejusmodi causæ violatæ securitatis Dissidentium à quacunque persona cujusvis conditionis non inter Causas terminorum tactorum, sed Feria hebdomadis quinta, ex speciali Registro inter Causas recentium criminum judicari debeant, excepto si forte persona mere spiritualis in crimine deprehensa fuerit; Tum delinquens Officio Spirituali tradi, & ibidem prævia inquisitione judicari debet. Ministri quoque in Religione Dissidentium si à quopiam quacunque de causa citati fuerint, non debent habere forum, nisi in officio seculari competenti ratione quarumvis rerum & injuriarum, & in causis ex ipsorum Actoratu forum citati competens sequi ibique jus suum obtinere debet. Et in fine: A te wżytkie rzeczy &c. *Que cuncta superius recensita pro Nobis & Posteris nostris servare firmiter, & sub fide, honore, ac conscientiis nostris tueri promittimus. Quicumque vero his contravenire & pacem superius toties nominatam Ordinemque publicum destruere voluerit, contra talem omnes consurgemus in ejus destructionem.* Vid. Confœderatio Regni Generalis Anno 1632. die 16. Julii Varsaviæ inita pag. 3. 4. & in fine. Subscripta sunt Archi-Episcopus, Episcopi, Senatores approbando in omnibus & singulis hanc Confœderationem, nisi quod Episcopi cum nonnullis Secularibus Romano-Catholicis hic prima vice subscriptionibus suis adjecerint clausulam: *Salvis juribus Ecclesiæ Romanæ.* Ceterum quod talis clausula, sive, ut vulgo audit, salva Legi firmiter approbatæ nihil derogat, hoc ipso Anno 1632. in Comitibus Electionis Regis Vladislai IV. die 27. Septembr. ad Varsaviam celebratis sat aperte in Articulis Pactorum Conventorum declaratum, atque ejusmodi Subscriptiones his sunt explicatæ, imò dilutæ. verbis: A iż w tey zacney Koronie Narodu Polskiego &c. *Et quandoquidem in hoc Illustri Regno Gentis Poloniæ, Lithuanicæ*

thuanica, Russica &c. non pauci reperiuntur Dissidentes in Religione Christiana, præcavendo, exemplo Antecessorum Nostrorum, ne seditiones aliquæ aut tumultus occasione Religionis oriantur, cautum est novissima Confœderatione Varsaviensi Generali, ut in causa Religionis Christianæ Pax inter Dissidentes de Religione conservetur; Quam Nos inviolabiliter servare in perpetuum promittimus, non obstantibus quibuscunque Protestationibus contra hanc Confœderationem post Convocationem factis, salvis juribus Ecclesiæ Catholicæ Romanæ, integrâ nihilominus in omnibus Dissidentium de Religione Christianâ Pace & securitate, quemadmodum in Conventione Varsaviensi novissime habita Confœderatione Generali descriptum & cautum est. Ex quo factum, quod in Confœderationibus subsequentibus ubi Romano-Catholici subscribebant: Salvis juribus Ecclesiæ Romano-Catholicæ, ibi Dissidentes pari libertatis prærogativa non dubitabant subscribere: Ita salva sint Jura Ecclesiæ Romano-Catholicæ, ut illæsa maneant Jura & Leges Regni, tum & liberum Religionis Dissidentium exercitium. Item: In quantum securitas & liberum exercitium Dissidentium Ecclesiæ non violabitur. Vel ita: Salvis per omnia juribus Dissidentium in Religione Christiana, aut: salva per omnia pace Dissidentium, vel: Non obstantibus quibusvis protestationibus & exceptionibus, & Græcis Sacris addicti subscribebant: Salvis Juribus veteris Ecclesiæ ritus græci, Item, Salvis Juribus Ecclesiæ Orientalis &c. Videantur Subscriptiones Confœderationum General. passim.

Atque ita Pacem inter Dissidentes in Religione idem Serenissimus Rex Vladislaus IV. utroque juramento, tum super Pacta Conventa Varsaviæ in Ecclesia S. Joannis Anno 1632. tum in Actu Coronationis Cracoviæ die 6. Februarii 1633. eodem verborum tenore, qui Juramenti Henrici, Stephani & Sigismundi III. fuerat, præstito firmavit. *Vid. Constit. Comit. Elect. Anno 1632. die 27. Sept. pag. 20. & Denuntiatio. Regis Coronati pag. 4. 5. nec non in Confirmatione Generali Jurium in Comit. Coronationis Anno 1633. fa-*

sta, & per Approbationem Actorum Interregni. Vid. *Constitut. dict. Comitior. pag. 12. Tit. Acta Interregni approbantur*, ubi Confœderationum expressa fit mentio. Post obitum Regis Vladislai IV. Anno 1648. die 18. Julii subsecuta Confœderatio Generalis, in qua ipsissima verba Confœderationis Generalis Anno 1632. supra allegata repetuntur, addita in fine Declaratione hac notabili: *Hanc Confœderationem in omnibus punctis & clausulis pro Lege æterna habere volumus, & cuncta superius descripta spondemus pro Nobis & Posteris nostris constanter observare & manu tenere sub fide, honore & conscientiis nostris. Si vero quispiam istis contravenire & pacem superius in hac Confœderatione descriptam Ordinemque publicum turbare voluerit, contra talem omnes consurgemus in ejus destructionem.* vid. dict. Confœder. pag. 3. & 26. In pactis quoque Conventis cum Serenissimo Rege Joanne Casimiro Anno 1648. Respublica securitati Evangelicorum prospexit, & ne clausula noviter reperta salvis juribus Ecclesiæ Romano-Catholicæ officeret, eo, quo Anno 1632. factum fuerat, modo declaravit, testante articulo *Pactorum Conventorum* vers. A iż wtey zacney Koronie &c. Et quandoquidem in hoc *Illustri Regno &c.* Vid. Porządek Elekeyey, sive *Ordo Electionis Anno 1648. d. 6. Octobr. pag. 15.* ipseque Serenissimus Rex Joannes Casimirus juramenti super Pacta Conventa *Varsaviæ*, & in Coronatione eadem formula, qua Antecessores, præstitit, tum & Confirmatione jurium Generali d. 23. *Januarii 1649.* facta, pacem hanc confirmavit. Vid. dict. *Ord. Elect. pag. 125. & Constit. Comitior. Coronationis d. 1. Januar. Anno 1649. pag. 3. & 5.* Idem factum post Abdicationem Regis Joannis Casimiri in Confœderatione Generali *Varsaviæ d. 5. Novembris Anno 1668.* inita artic. *Przytym aby pokoy pospolity &c. Adhæc ut pax publica &c.* & in articulis *Pactorum Conventorum* cum Rege Michaelæ Anno 1669. conclusis artic. A iż w tey zacney Koronie Polskiey &c. Et quia in hoc *Illustri Regno Poloniæ &c.* Vid. Porządek Elekeyey &c. *Ordo Election. Anno 1669. pag. 15.* atque in Literis juramenti ab Eodem Rege *Varsaviæ d. 7. Julii & Cracoviæ d. 29. Septembr. Anno 1669.* præstiti. Porządek Elekeyey anno 1669. pag. 29. & *Constit. Comi-*

Comitior. *Varsaviae* d. 9. Sept. 1670. celebrator. pag. 4. ac Confirmatione Jurium Generali *Varsaviae* sub tempus Comitiorum die 12. Septembr. 1670. concessa dict. *Constit.* pag. 8. nec non post obitum Regis Michaelis in Confœderatione Generali *Varsaviae* d. 15. Junii Anno 1674. art. Przytym aby pokoy pospolity &c. pag. 3. in fine & pag. seq. Pactis conventis cum Serenissimo Joanne III. Anno 1674. conclusis art. A iż wtey zacney Koronie &c. Vid. Porządek Elekcyey Warszawskicy d. 12. Aprilis 1674. pag. 18. Literis juramentorum ad pacta Conventa *Varsaviae* d. 5. Junii & *Cracoviae* sub tempus Coronationis die 2. Februarii Anno 1676. præstitorum dict. Porządek Anno 1674. in fine & *Constit.* Comitior. Coronationis Anno 1676. pag. 4. atque Confirmatione jurium Generali *Cracoviae* in dictis Comitii Coronationis Anno 1676. subsecuta. alleg. *Constit.* Comitior. Coronat. pag. 8. Ibi: *Quid verò supra hisce literis Privilegia libertates Ecclesiasticas cum cæteris confirmaverimus, in juramento nostro Ecclesias Catholicas Romanas nominaverimus, id nihil omnibus Ecclesiis Græcis & Privilegiis earundem obesse debet; imò eadem in suo robore conservamus, nec non & articulo huic Juramenti ne unquam derogare volumus, quòd videlicet pacem & tranquillitatem inter Dissidentes de Religione tuebimur & manutenebimus, quam inconcusse, firmiter ac inviolabiliter, & cum effectu Nos observaturos promittimus ac spondemus; & tandem post fata Divi Joannis III. in Confœderatione Generali Varsav. d. 28. Sept. Anno 1696. artic. O zachowaniu inter Dissidentes in Religione statecznego pokoju pag. 3. seq. his verbis: De conservanda inter Dissidentes in Religione firmissimâ pace antiqua Jura & Confœderationes, in specie tamen Confœderationem Varsaviensem Anni 1674. in toto reassumimus, circa quæ memoratos Dissidentes inviolabiliter conservamus, omnes præcedentium Interregnorum Confœderationes reassumendo spondemus, quòd ipsos circa Jura & Privilegia tuebimur & conservabimus. Pariter in Pactis conventis cum Serenissimo Augusto II. die 27. Junii Anno 1697. initis artic. A iż wtey zacney Koronie &c. Vid. *Constitut.* Comitior. Pacificationis die 16. Junii Anno 1699. *Varsaviae* habitorum pag. 7. nec non utroque juramento tum in finibus*

bus Regni in Villâ Pickari super articulis pactorum Conventorum 24. Julii Anno 1697. tum Cracoviæ tempore Coronationis die 15. Septembr. Anno 1697. præstito. Vid. *Constit. Comitiorum Coronationis Anno 1697. pag. 5. seq.* ac tandem in Confirmatione jurium Generali Cracoviæ in Comitibus Coronationis d. 28. Sept. Anno 1697. facta, dict. *Constit. Comit. Coronat. pag. 9. in fin. & seq.*

Præter hæc omnia hæctenus recensita jura pro securitate Dissidentium liberrimoque Religionis Augustanæ usu etiam militat Pax Polono-Svecica Olivæ die 3. Maji Anno 1660. conclusa, in cujus *Articulo II. non tantum §. 2. generaliter dispositum: Hac generali Amnestia gaudeant omnes & singuli cujuscunque Status, conditionis, & Religionis fuerint — nec ullis hoc bellum præjudicio & noxiæ sit in suis Juribus, Privilegiis ac consuetudinibus generalibus & specialibus, tam in Ecclesiasticis quam in Civilibus profanisque, quibus ante hoc bellum gavisi sunt, sed iis in totum fruantur secundum Leges Regni; verum etiam §. 3. specialiter cavetur: Civitatibus Prussiæ Regalis quæ in possessione Sux Regiæ Majestatis Regni-que Sveciæ hoc bello fuerunt, manebunt ibidem omnia Jura, Libertates, & Privilegia, quibus sive in Ecclesiasticis sive in profanis potitæ sunt ante hoc bellum (salvo libero, uti ante bellum viguit, in prædictis Civitatibus Catholicæ & Evangelicæ Religionis exercitio) earumque territoria, Magistratus, Communitates, cives, incolas, & subditos Sacra Regia Majestatis Poloniæ eadem, quo olim, Clementia & Gratia Regia imposteriorum prosequuntur, fovebit, & tuebitur.*

Pertinet huc etiam

Declaratio Illustrissimorum & Excellentissimorum
Dominorum Sacræ Regiæ Majestatis & Inclytæ
Coronæ Sveciæ ad Tractatus Pacis Legatorum
Plenipotentiariorum pro Pace ac Libertate omnium
ab Ecclesia Catholico Romana de Religione in Polonia
Dissidentium in puncto Amnestiæ cauta.

Sa-

*Sacræ Regiæ Majestatis Regniq̄ue Sveciæ ad Paci-
ficationem in Borussia Legati Commissarii
Plenipotentiarie.*

Notum testatumque facimus. Quod licet à Religione Romano-
Catholica in Regno Poloniæ & Magno Ducatu Lithuanix
dissidentes in moderno Instrumento Pacis Sveco-Polonicæ Arti-
culo de Amnestia secundo per expressum non sint nominati, dicta
tamen Amnestia tam generalis quam specialis etiam illos concer-
nat, eaque ipsi tota frui debeant. Neque enim Legationi Svedi-
cæ mens fuit, ullas leges antiquas & antiquatas contra hæreticos
sic dictos sancitas, vel etiam novas durante hoc bello (quo me-
rito præsumi debet ac potest nihil esse innovandum) latas hoc
tractatu confirmandi, sed potius, ut hac pacificatione cuncta in
eum statum, qui ante hoc bellum fuit, reducantur, nec cui-
quam, quod partes Sacræ Regiæ Majestatis Sveciæ secutus fuerit,
sub quocunque prætextu noxæ & fraudi sit efficiendi. Ac pro-
inde declaramus ac testamur, verba in §. 2. præfati articuli *secun-
dum Leges Regni* ex parte Nostra non aliam vel antehac admisisse
vel etiamnum admittere interpretationem posse, quam ut unus-
quisquè sine exceptione, & cujuscunque Status, conditionis, aut
Religionis sit, gaudere debeat juribus, privilegiis & consuetu-
dinibus tam in Ecclesiasticis quam in profanis secundum Leges
Regni, sicut ante hoc bellum observatum fuit. In cujus rei fi-
dem præsens attestatum manibus nostris subscriptum Sigillo Le-
gationis majori roborari fecimus Sobothi die 31. & 21. Maji,
1660. Magnus Gabriel de la Gardie. Benedictus Oxenstierna
à Gyldenklau. Christoph. Carolus Schlippenbach. *Vid. Londorp.
Actor. Publicor. Tom. IX. pag. 692.*

Quod ad *Civitatem Gedanensem* speciatim attinet, hanc sub
Divo Sigismundo Augusto Rege Libertatem Religionis Augustanæ
jam habuisse, ex Indulto Regio *super libera administratione & li-
bero usu Sacro-Sancti Eucharistiæ Sacramenti sub utraque specie*
C Vil-

Vilnæ fer. 2. post Festum Visitationis Beatissimæ Mariæ Virginis proximâ Anno Domini 1557. concessio facile colligitur. Est autem ejus Indulti tenor, ut sequitur:

*Sigismundus Augustus DEI Gratia REX Poloniæ.
 &c. &c. &c.*

„**N**otum testatumque facimus præsentibus Literis Nostris uni-
 „versis & singulis, quorum interest. Quod cum alias sæpe
 „multumque Nobis cum per supplices libellos & internuntios suos
 „humiliter supplicasset Senatus populusque Civitatis Nostræ Geda-
 „nensis, tum vero per quosdam Proceres & Consiliarios Nostros
 „Ducatus Prussiæ instantibus precibus Nos obtestassent, ut admi-
 „nistrationem Cœnæ Dominicæ juxta præscriptum verbi DEI &
 „veteris Ecclesiæ morem sub utraque specie, panis videlicet & vi-
 „ni, illis concedi dignaremur. Quam rem iidem Proceres & Con-
 „siliarii pertinere arbitrabantur non modo ad sanandas conscien-
 „tias multorum, verum etiam ad retinendos eos in fidei, clien-
 „telæ & subjectionis nostræ officiis. Nam esse ex eorum numero
 „plerosque, qui usuram tanti Sacramenti à multis jam annis non
 „attingentes, misere & acerbe cum conscientiis suis luctentur.
 „Quo fit, ut populus Magistratui non satis propensa & expedita
 „voluntate officium suum præstet, quod in ejusmodi re, quæ &
 „pia illis & verbo Dei consentanea videtur, ad sanandas verò illo-
 „rum conscientias magnaopere necessaria, Magistratum sibi deesse
 „existimat. Nos etsi sæpe id negotii in alia atque alia temporare-
 „jeceramus, fore sperantes, ut ope Concilii Sancti Oecumenici,
 „saltem Nationalis, diffidia Religionis tollerentur: tamen quia in
 „conspicuo res est, & tempora & Respublica indies turbatiora ap-
 „parere, & emergere, subinde passim ubique bellorum tumultus,
 „propter quos Concilii celebrandi spes multo minor affulgeat ac
 „olim: Ideò Nos, qui pro virili parte ex officio Nostro Regio in-
 „firmitati hominum mederi & conscientiis illorum consulere te-
 „nemur, non potuimus tot instantes obtestationes fidelium sub-
 „ditorum

„ditorum nostrorum, tum & suffragia Consiliariorum nostrorum
 „illius Provinciæ, qui hoc nomine pro illis laborant, negligere;
 „maxime vero cum intelligamus in Comitibus Imperialibus, in
 „quibus de conciliatione dogmatum Religionis pro utraque parte
 „laboratum est, de restitutione alterius speciei non magnum fore
 „inter Collocutores dissidium. Quapropter de sententia & volun-
 „tate Eorundem Consiliariorum Eiusdem Provinciæ permisimus &
 „admisimus, prout præsentibus permittimus & admittimus Sena-
 „tui populoque Civitatis Nostræ Gedanensis liberam administra-
 „tionem & liberum usum Cœnæ Dominicæ sub utraque specie in
 „Ecclesiis quibusvis omnibus hominibus utriusque sexus & cujus-
 „cunque conditionis qui hoc Sacramento eo modo uti voluerint
 „infra hinc & futura Regni Comitibus Generalia ubicunque locorum
 „celebranda. Promittimus verbo Nostro Regio, quod nemini à
 „quoquam periculum creari, neminem periclitari patiemur, qui
 „utramque speciem Sacramenti Cœnæ Dominicæ sumplerint aut
 „sumere voluerint. Harum, quibus in fidem præmissorum Sigil-
 „lum Nostrum annulare est superappositum, testimonio Literarum.
 „Datum Vilnæ, feriâ secundâ post Festum Visitationis B. Mariæ Virgi-
 „nis proximâ Anno Domini MDLVII. & Regni Nostri XXVIII.

Post mortem Regis Sigismundi Augusti primam Cautionem
 Regiam super libero Religionis Augustanæ exercitio Rex Step-
 hanus Civitati Gedanensi dedit his verbis:

*Stephanus DEI Gratiâ REX Poloniæ, Magnus
 Dux Lithuanicæ, nec non Terrarum Cujavicæ, San-
 domiricæ, Siradicæ, Lancicicæ, Russicæ, Prussicæ, ac
 Culmensis, Elbingensis, Pomeranicæ, Livonicæ-
 que, tum etiam Transylvanicæ Princeps.*

„Significamus præsentibus Literis Nostriis quorum interest univer-
 „sulis & singulis præsentibus & futuris harum notitiam habituris.
 „Quod cum à Nobis petiissent Internuncii Civitatis Nostræ Geda-
 „nensis,

„nensis, ut illi liberum usum & professionem Religionis Augusta-
 „næ Confessionis concederemus, Literisque Nostris id illis fir-
 „mum & stabile esse debere caveremus, Nos, qui jampridem in
 „Conventu Coronationis Nostræ atque prius in Transylvania jura-
 „mentum de Religione servanda præstitimus, facile consensimus,
 „ut iterata promissione Nostra, ita petentibus Civitatis Nostræ In-
 „ternunciis, denuo etiam promittamus & concedamus, ut Reli-
 „gionis Augustanæ Confessionis tam in Civitate Gedanensi, quam
 „extra muros in ejus Districtu & Jurisdictione, Templis, Mo-
 „nasteriis, Xenodochiis, ut sub adventum Nostrum in Regnum
 „utebantur, & in ejus possessione fuerunt, pacifice & quiete li-
 „bera professio fiat, neque cuiquam Religionis ergo molestia vel
 „negotium exhibeatur, omnesque in libero usu Augustanæ Con-
 „fessionis conservabimus, manutenebimus, & tuebimur, que-
 „madmodum id tam in Transylvania, quam postea etiam Craco-
 „via juramento affirmavimus, nec volumus, ut in Templis ritus
 „Ceremoniarum ullo pacto immutentur. In cujus rei fidem præ-
 „sentes manu Nostra subscripsimus, Sigillamque Nostrum appen-
 „di jussimus. Datum Mariæburgi die 16. Mensis Decembris
 „Anno 1577. Regni Nostrî secundo.

Ubi obiter notandum, clausulam de ritibus ceremoniarum
 non immutandis Cautioni huic propter Calvini dogmata professos
 utpote ad ritus ceremoniarum immutandos nimium tunc procli-
 ves, instantibus Augustanæ Confessionis addictis insertam fuisse.

Eandem porro Cautionem iisdem verbis reiteravit D. Sigis-
 mundus III. *Cracoviæ in Conventu Coronationis die 11. Januarii An-
 no 1588.* tum & D. Vladislaus IV. *Cracoviæ in Comitibus Coronationis
 die 10. Martii Anno 1633.* Item Johannes Casimirus *Cracoviæ in
 Conventu Generali Coronationis die 6. Februarii, Anno 1649.* ibi:
 „Ut Religionis Augustanæ Confessionis tam in Civitate Gedanensi,
 „quam extra muros in ejus Districtu & Jurisdictione — imposterum
 „quoque, uti temporibus Divi parentis & Divi Fratris Nostrî in
 „usu & possessione fuit, pacifice, quiete, libera professio Sacramen-
 „torumque administratio permaneat, neve ea de causa Civitati
 „ejus-

„ejusque incolis publice aut privatim molestia vel negotium ex-
 „hibeatur aut impedimentum ullum afferatur, Authoritate No-
 „stra Regia prospicere, omnesque in libertate Religionis Augusta-
 „næ Confessionis plene ac integre conservare, manutene- &
 „tueri, neque in possessione illius Civitatem Gedanensem turba-
 „re, aut a quopiam turbari permittere temporibus quibuslibet fu-
 „turis pro Nobis & Successoribus Nostri Regibus Poloniæ recipi-
 „mus ac spondemus; Nec non D. Michael Rex *Cracoviæ in Con-*
ventu Coronationis die 9. Novembris Anno 1669. atque Divus Joan-
 nes Tertius *Cracoviæ in Comitii Coronationis die 26. Aprilis Anno*
1676. & tandem iisdem verbis Serenissimus Rex Augustus II. *Var-*
saviæ die 30. Januarii Anno 1698.

Quemadmodum vero ex adductis indubium manet, liberta-
 tem Religionis Christianæ in Regno Poloniæ incorporatisque Pro-
 vinciiis adeoque & in Terris Prussiæ & ad has pertinentibus Civi-
 tatibus, adeo firmis inniti fundamentis, ut inter Dissidentes in
 Religione Christiana Pax & Tranquillitas publica esse, nec ulla ra-
 tione interturbari, nec quisquam sub prætextu Religionis pericu-
 lo affici debeat: ita sequentes inde necessario promanant Conclu-
 siones.

Prima est, quod inter Romano-Catholicos Augustanæ Con-
fessionis socios sit æqualitas jurium, quatenus formæ Reipublicæ
conformis. Ratio Imo quia scopus & finis præallegatarum Cautio-
num, Confœderationum, Pactorum Conventorum, & Juramen-
torum Reriorum, qui est, ut Pax & Concordia conservetur, obti-
neri aliter nequit, siquidem impossibile est, inter eos qui ejusdem
sunt conditionis & status servari posse pacem & tranquillitatem,
si dispari & inæquali jure debeant gaudere; Adhæc Idò ipsa vult
Æquitas, ut quod quisque juris statuit in alium, eo ipse utatur.
Idè Idò Æqualitas quam maxime servanda est in pactis interpretan-
dis & judiciis, adè ut ob æqualitatem servandam à Regulis juris
communis sæpe recedatur, omnisque Idè dispositio ad eum re-
ducenda venit sensum qui æqualitati magis accedit. Atque ita si
Pax publica in Regno Poloniæ in Causis Religiosis & profanis con-

servanda est, oportet constans jus & æquum observetur, & relinquuntur Statibus tam Evangelicis quam Catholicis sua Jura, Libertates & Privilegia, ita, ut quod uni parti justum est, alteri quoque sit justum, violentia omni & via facti in perpetuum cessante.

Secunda Conclusio est, quod quidquid singulæ harum Religionum de fide & necessario credendum esse judicant, illud quoque docere ex ritu suo, agere, modeste & absque turbis defendere, nec, dum id fit, uni parti alteram hæreseos inculpate, sive, ut vulgo loquuntur, hæretificare liceat. Sicuti enim inane saltem foret Libertatis Religionis nomen, si dogmata fidei proponere, publice docere, & quæ illis contrariantur ore & scriptis pro rei necessitate cum prudentia Theologica sine acerbitate refutare, adeoque modesto, ut vocatur, Elencho uti non concederetur: ita illos pro hæreticis velle habere, quorum Religio Legibus publicis asserta, consequenter quoad *effectus civiles* pro *orthodoxa* declarata, inter quos unio & Confœderatio inita, & quibus æqualis protectio promissa, maximam sapit injuriam. Quorum consequens est, licere ea omnia peragere, quæ Religionis suæ ratio & institutum efflagitat, tum & quod Magistratus tot Doctores ac Ecclesiæ Ministros, quot sese opus habere arbitratus fuerit, ad docendum populum addiscere, nec non Templâ Religionis exercitio necessaria exstruere & conservare, nequaquam prohiberi possit, quia Exercitium Religionis sine his consistere nequit, concessio autem exercitio concessa censentur omnia quæ ex necessitate quadam consequuntur, sine quibus illud alias inutile foret, ne una via concessum altera rursus auferatur.

BÖHMERUS in *Jur. Eccles. L. I. Tit. XXXI. §. 75.* rem ita exprimit: Protestantes Jurisdictioni Episcoporum Catholicorum *in iis casibus subsunt*, qui *Augustanam Confessionem nullatenus concernunt*, modo iis occasione Processus nihil injungatur, Augustanæ Confessioni vel conscientie repugnans. In Pace Religiosa de Ao. 1555. in Instrum. Pacis confirmato huc referuntur; *Der Augspurgischen Confession, Religion, Glauben, Bestellung der Ministerien,*
Rita

Kirchen-Gebrauche, Ordnungen und Ceremonien so sie ausgerichtet, oder aufrichten möchten: Proinde huc reducenda

1. Credenda & Res fidei,
2. Ceremoniæ & ritus ecclesiastici
3. Ministeriorum constitutio
4. Et quæ ex principiis Augustanæ Confessioni addictorum per necessariam consequentiam fluunt, utut credenda est res fidei proprie non Concernant:

Sane Sanctos non omnes agnoscimus, nec illis dies festos dedicamus, adeoque nec cogi possumus ut easdem cum Catholicis ferias celebremus: In Causis vero matrimonialibus, quoniam iisdem fere principiis utimur, Jurisdictioni Episcopi subtrahere nos non possumus.

Conclusionem *Tertia* infertur, quod Libertas hæc Religionis ab una aut altera parte nullatenus tolli queat, nec ulla ratione aut via eidem contravenire fas sit. Ratio, quia Natura Cautio, Confœderationum, Pactorum & Juramentorum exigit, ne illo, cui, & cum quo facta, invito enerventur aut oppugnentur, vinculo fidei & obligationis inter homines maxime periclitaturo, si, quæ inter ipsos semel placuerunt, juramentoque firmata sunt, prohibitu ab alterutro successu temporis potentiori facto revocari & annullari possent. Spectat huc omnino etiã Recessus ab una Religionum permistarum ad alteram Religionis libertati tam arcta colligatione connexus, ut hæc vetito illo salva & integra haberi nequeat, cum & ipsa Jura allegata publica & Cautiones Regiæ illis ab initio data fuerint qui a Romana Ecclesia recessum fecerant. Atque si vigore Pactorum cum Serenissimis Regibus Conventorum *integra in omnibus inter Dissidentes de Religione Christiana Pax & Securitas esse ac servari, nec juxta formulam Juramenti Regii ququam ullo modo affici opprimique causa Religionis debet*, certe eandem pacem & securitatem etiã quoad hoc punctum transitus de una Religione ad aliam præstare, neque taliter transeuntes quacunque

que ratione, five in personis five in bonis, damnis & periculis afficere ac opprimere necessum est. Accedit, quantum in specie ad *Civitatem Gedanensem* attinet, & hoc, quod, quemadmodum prima illa solenni Cautioni Regia Divi olim Stephani Anno 1577. facta Civitati huic promissum, ut Religionis Augustanæ Confessionis ita, *uti sub adventum Serenissimi Regis in Regnum utebantur & in ejus possessione fuerunt*, pacifice & quiete libera professio fiat, *neque cuiquam Religionis ergo molestia vel negotium exhibeatur*, jam vero extra omne dubium positum est, tunc temporis quamplurimos à Religione Romano-Catholica ad Religionem Augustanæ Confessionis transitum fecisse, atque hanc in possessione libere & citra ullam alicujus molestiam recipiendi & fovendi hujusmodi transeuntes fuisse: ita huic libertati antiquæ & possessioni subsequenti Divorum Successorum Regum Poloniæ, qui non interrupto Ordine Sceptum tenuerunt, nec non moderni Serenissimi feliciter Regnantis Cautionibus Regiis sufficienter prospectum est, singulis libertatem Religionis Augustanæ Confessionis Civitati huic ita, uti temporibus Divorum Prædecessorum in usu & possessione fuit, obfirmantibus, neque in possessione illa Civitatem turbare, aut à quopiam turbari permittere, tum & ne Religionis causa Civitati ejusque incolis publice aut privatim molestia exhibeatur, aut impedimentum ullum afferatur Auctoritate Regia prospicere, omnesque in libertate Religionis Augustanæ Confessionis plene ac integre conservare, manutenere & tueri, temporibus quibuslibet futuris pro se & Successoribus Regibus Poloniæ spondentibus. Nec obstat, tum quod in Confœderatione Regni Generali Anno 1632. *Varsaviæ* facta Dissidentibus nova Tempora erigere prima vice interdicti voluerit, tum quod idem Interdictum in subsequenti Anno 1648. 1668. 1674. & 1696. Confœderationibus repetitum, insimulque dicto Anno 1668. in solenni post Abdicationem Serenissimi Joannis Casimiri Regis Ordinum Regni Convocatione Confœderationi publicæ insertum sit, eos, qui à Romano-Catholica fide transitum fecerunt, pariter ut Arrianos à libertate & pace Religionis Dissidentibus in Religione Christia-

Christiana affe curata excludi debere his verbis: „Arriani uti Lege
 „publica proscripti, nec non Apostata à fide Catholica Romana &
 „unitorum ab hinc transeuntes, non debent sub hac Confœdera-
 „tione tegumen suum habere, imo vero omnes Constitutiones de
 „Arrianis sancitas reassumimus & confirmamus perpetuis tempori-
 „bus. Apostata autem præmemorati abhinc convicti in foro fo-
 „ri exilio puniendi erunt. *Confœderatio Varsaviensis Anni 1668.*
pag. 5. per Constitutionem Comitiorum Coronationis Anno 1670. Tit.
Approbatio Actorum Interregni pag. 11. confirmata. Quæ clausula
etiam iisdem prorsus verbis in Confœderatione post fata Divi Mi-
chaelis Regis Anno 1674. inita sublequenter per Constitutionem An-
ni 1676. approbata, nec non post obitum Serenissimi olim Regis
Joannis III. Anno 1696. sancita Confœderatione, utpote in qua a
pace Religionis Apostata, additis Quakeris & Mennonistis, exi-
miuntur, repetita existat. Vid. Confœderatio Generalis Varsavi-
ensis Anni 1674. pag. 5. Constitut. Comitior. Coronat. Anni 1676. Tit.
Approbatio Actorum Interregni pag. 12. Confœderatio Generalis
Varsaviensis Anni 1696. die 29. Augusti pag. 4. Etenim constat,
 quod contra præjudiciosum Confœderationis Anni 1632. articu-
 lum sub tempus Comitiorum Electionis, in Campo Electorali ino-
 mine Thorunensis & Gedanensis Civitatis per Secretarios tunc
 præsentés non tantum ore tenus protestatum, sed & Scriptum Ma-
 nifestationis oblatum & a Mareschallo Equestris Ordinis Illustri Ja-
 cobo Zobiaeski publice lectum fuerit sequentis tenoris:

„Quoniam in scripto a Dominis Deputatis ratione securitatis
 „Diffidentium in Religione concepto mentio fit Provinciarum Re-
 „gno annexarum, Terras vero & Civitates Prussix ita Regno Po-
 „lonix annexas & incorporatas esse constat, ut nihilominus pecu-
 „liaria sua Jura semper habuerint, quæ velut in universum nihil
 „in nos constitui sine nobis, nec quicquam oneris nobis imponi
 „permittunt, sic invitis nobis ulla in parte immutari nequeunt:
 „Ideò internuncii Civitatis Thorunensis ac Gedanensis indemnitati
 „Civitatum Prussix præcavendo per expressum manifestant, qua-
 „tenus in Confœderatione proxima vel moderna ejus confirmatio-

D

„ne

„ne aliquid continetur, quod in præjudicium præfatarum Civita-
 „tum sinistra interpretatione quoquo modo allegari posset, id
 „ipsum Juribus, Privilegiis, ac Immunitatibus suis, adeoque &
 „libertati Religionis ac rebus ad eam pertinentibus, nihil omnino
 „officere ac derogare posse aut debere, quin potius easdem Civi-
 „tates in libera & a Serenissimis Polonia Regibus sibi concessa Re-
 „ligionis! professione sine cujusquam impedimento porro relin-
 „quendas, neque ulla ratione, vel sub quocunque prætextu, in eo,
 „quo hæctenus fuerunt, usu & possessione turbandas, minores
 „etiam Civitates, quibus Libertas ista in Religionis exercitio de-
 „facto adempta est, in priorem statum restituendas esse.

Pariter contra insertum præallegatis Confœderationibus de A-
 postatis a fide Catholica-Romana articulum, huncque confirman-
 tes Constitutiones Regni præjudiciosas, tum Status & Ordines Ter-
 rarum Prussiae universi per Lauda Manifestationum ac Protestationum
 in Conventu Generali Mariæburgensi die 30. Augusti Anno 1696.
 item in Conventu Generali Graudentinensi die 26. Januarii Anno 1671.
 & Conventu Generali pariter Graudenti celebrato die 14. Julii 1676.
 dissensum suum testati sunt, tum in specie Civitates Majores, tam
 ratione interdictæ erectionis templorum in Castro Zakrocinensi fer-
 quarta, ipso die & Festo Transfigurationis Christi Domini Anno
 1648. quam contra articulum de Apostatis Graudenti Anno 1699. die
 3. Februarii item in Conventu Generali Graudentinensi coram Aëtis
 Civilibus Graudentinensibus die 5. Februarii Anno 1671. nec non An-
 no 1672. die 16. Januarii & Anno 1674. die 9. Aprilis, utraque vi-
 ce in Conventibus Generalibus coram iisdem Aëtis Civilibus dictæ
 Civitatis & tandem coram sæpe dicto Judicio Civili Graudentinensi
 die 20. Novembris Anno 1696. solennissimas interposuerunt prote-
 stationes, omni meliori modo præcavescentes, „ne dictus articu-
 „lus Confœderationibus & anterioribus & novissimæ insertus Ci-
 „vitatum juribus, Privilegiis ac Immunitatibus, adeoque & liber-
 „tati Religionis, rebusque & personis ad eam pertinentibus, ullo
 „modo officere vel derogare possit ac debeat, quin potius eadem
 „Civitates in liberâ a Serenissimis Polonia Regibus eis concessa Re-
 „ligio-

„ligionis professione, sine cujusquam præpeditioe porro relin-
 „qui, neque ulla ratione, vel sub quocunque prætextu in eo, quo
 „hactenus fuerunt, usu ac possessione præpediri, neque clausula
 „de Apostatis ad Articulum de libertate Religionis Dissidentium
 „ad Terras atque Civitates Prussiae earumque cives vel incolas ex-
 „tendi, nec iisdem præjudicare & ut minorum quoque Civitatum
 „libertas Religionis salva semper & illæsa manere debeat., Hac
 „eadem ratione cum in Comitibus Anno 1685. die 16. Februarii Var-
 „saviae celebratis sequens placuisset Constitutio, sub Tit. *Regestr Aryanski*,
 „*Regestrum Arrianorum*: Ponieważ *ultra mentem* Constitu-
 „cyey Anno 1658. „Quandoquidem ultra mentem Constitutionis
 „Anni 1658. & aliarum subsecutarum contra Sectam Ar-
 „rianorum statutarum, & contra Naturam Caesarum, ad Regestrum
 „Arrianorum in Judiciis Tribunalitiis trahi solent & judicare per
 „abusum diversæ conditionis homines Secta hac non contamina-
 „ti: propterea huic obviando statuimus, ut ad Regestrum illud
 „nullæ personæ trahantur in Causis quibusvis; præsertim juris,
 „fundi, administrationis justitiæ, & aliis, nisi tantum professione
 „mere Arriani, Apostasiæ Judaismi, Sacrilegii, violentiæ & ob-
 „sanguinolationis in Ecclesia vel Cæmeterio rei, ac eorum fauto-
 „res & complices, idque sub pœna evocationis quingentarum
 „Marcarum, & nullitate judicatorum, ac condemnationum. *Vid.*
 „*Constitut. Anni 1685. Tit. Regestr Aryanski pag. 20.* Civitates Pruf-
 „siae majores in primo post Comitibus Graudenti die 21. Augusti ejus-
 „dem Anni 1685. habito Conventu Generali solenni Manifestatione
 „& Protestatione *Actis Civilibus Graudentinensibus* ingrossata contra
 „præjudiciosas Constitutiones dictis in Comitibus Regni quocunque
 „nomine introductas, & imprimis contra hanc sub *Titulo: Regestr*
 „*Aryanski* sibi prospexerunt, quod nimirum in quantum Juribus
 „ac Indultis Privilegiorum Civitatum Prussiae quoad liberum exer-
 „citiu Religionis Augustanae Confessionis adversa est ac præjudi-
 „cet, Civitates, Cives ac Incolas minime afficere, nedum rigore
 „suo involvere debeat ac valeat.

Facit huc

Laudum contra indebitam ex prætenſa cauſa Apoſtaſiæ & Arrianismi ad Judicium Tribunalitium Lublinenſe factam evocationem & condemnationem certarum perſonarum & incolarum Civitatis Gedanenſis.

„Nos Status & Ordines Terrarum Pruſſiæ in moderno Conventu
 „Generali Mariæburgi congregati Univerſis & ſingulis, quo-
 „rum intereſt, notum teſtatumque facimus. Quod cum Nobis
 „innotuit, quatenus Dn. Nathanael Dilger, Auguſtanæ Confeſſio-
 „nis in Civitate Gedanenſi Eccleſiaſtes, Dn. Martinus Zweck Ve-
 „teris Civitatis Scabinus, & Daniel Memſen Civis & Mercator
 „ibidem, ex prætenſa cauſa Apoſtaſiæ & Arrianismi, ad Judicium
 „Tribunalitium Lublinenſe evocati, & juxta obloquentiam Decre-
 „ti in pœnas bannitionis, infamiæ &c. condemnati fuerint: Pro-
 „inde præcavendo autoritate præſentis Conventus, ne per evoca-
 „tionem ejuſmodi ad fora incompetentia jura & libertates harum
 „Terrarum & Civitatum, ordoque inſtantiarum labefactetur &
 „convellatur, ſtatuímus & decernimus, quod præfatos Dn. Na-
 „thanaelem Dilger, Dn. Martinum Zweck, & Danielelem Memſen,
 „non obſtante iſta condemnatione tanquam in foro incompetente
 „lata, circa priſtinum honoris & ſecuritatis ſuæ ſtatum conſervan-
 „dos eſſe duximus, prout etiam conſervamus præſentis Laudis vi-
 „gore. In præmiſſorum fide Sigillum Terrarum hiſce ſubappreſ-
 „ſum eſt. Actum & Datum in Conventu Generali Mariæburgi
 „die 8. Julii Anno 1671.

Nec omittenda quæ Statibus & Ordinibus Terrarum Pruſſiæ
 contra injuſtam vocis *Heretici* in Diſſidentes de Religione deri-
 vationem placuerunt, ut videre eſt

Ex

Ex Instructione à Statibus & Ordinibus Terrarum
Prussiae Nuntiis ad Comitia Generalia Varaviae
die 27. Augusti Anno 1668. celebr. ex Conventu
Generali Graudentinensi die 3. Augusti dicti
Anni 1668. data.

„Quandoquidem Decretum Tribunalitium inter Illustrem & Ma-
„gnificam Castellanam Gedanensem Annam à Czemen Càpi-
„taneam Stumensem, bonorum Lichtenfeld Hæredissam, & Per-
„Illustrem & Admodum Reverendum Stanislaum Zerumbski Cul-
„mensẽ, Kruszvicensem Canonicum, Tyrgartiensem Præposi-
„tum Petricovix in Judiciis Tribunalitiis Regni feria 6. post Do-
„minicam Septuagesima proxima Anno Domini 1668. ratione Ec-
„clesiæ in Bonis Lichtenfeld latum certa aggravantia, quæ vim le-
„gis sapiunt, in se comprehendit, & contra Constitutionem An-
„ni 1627. Pacem Dissidentium, *Hereticos eodem Decreto injuste*
„*nominando*, labefactat, instabunt Domini Nuntii, ut Lege publi-
„ca caveatur, ne Decretum hoc in ea parte nec ad exemplum,
„nec ad præjudicatum, executioni perpetuis temporibus subiaceat,
„nec in sequelam unquam hoc *infame nomen Hereticorum à Dissi-*
„*dentibus plane alienum* tam Decretis Tribunalitiis, quam præju-
„dicato vel exemplo, in futurum deveniat. Quod negotium ita
„sibi habeant recommendatum, ut aut hoc, aut nullum, pertra-
„ctandum sit.

Atque hæc demonstrandis Juribus quibus Pax inter Dissiden-
tes liberumque Religionis Augustanæ Confessionis exercitium in-
nititur, sufficiant.

PACI DISSIDENTIUM PROSPICITUR.

Et quoniam in hoc inclyto Regno Poloniae, Polonicae & Lithuanicae Nationis & Provinciarum annexarum, non exiguus est Dissidentium in Religione Christiana a) numerus, propterea exemplo Antecessorum nostrorum b), ne postea ex hac causa scissiones & sanguinis effusiones fiant, id quod antiquis confederationibus c) & constitutionibus d) cautum est, perpetuis temporibus tenebimus, non obstantibus quibuscunque protestationibus e), integra tamen in omnibus dissidentium in Religione Christiana, pace & securitate f).

a) Una fuit olim, post receptum Christianismum, Religio, eaque Romano-Catholica. Cum Casimirus Magnus a. 1340. Russiam rubram Regno jungeret, admissa praeter Romano-Catholicam, & Graeca, quod eadem in illis Terris floruerat, & Rex fidem dederat Russiae Proceribus, se eandem haud violaturum aut mutaturum. *DLUG. l. IX. p. 1058.* Inde, cum a. 1344. nonnulli ex hac gente, rebellionem molirentur, causam allegabant, quod suae Religioni interitum metuerent. *DLUG. l. c. p. 1071.* Ex hoc tempore, in Regno, cujus pars facta Russia, duae Religiones obtinuerunt. His tertia se jungere voluit, cum Vladislao Jagellone imperante, ex Bohemia, Hussitarum dogmata, in Poloniam se infunderent. Sed quo minus id fieret, obstetit Rex severiori mandato a. 1424. Vieluni publicato, quo omnes haeretici in Regno capi & puniri, omnes, qui ex Bohemia venerint, Religionis nomine examen subire, quicumque ex Polonis in Bohemia fuerint, certo tempore, sub poenis gravissimis, tanquam haeticis irrogandis, in Patriam reverti jubentur, ac mercatoribus omne cum Bohemia commercium interdicitur. *LASKO Statut. f. 75. PRILUS. Stat. p. 169.* Et a. 1438. Ordines adversus eosdem haeticos illorumque fautores, Confederationem Korczini inierunt. *LASKO l. c. f. 76. PRILUS. l. c. p. 171.* Sic repressi fuerunt Hussitae, quos sub Sigismundo I. & Sigismundo Augusto, Lutherani, Reformati & Fratres Bohemi secuti, quorum doctrina, cum magno assensu exciperetur, per plurimas Poloniae & Lituaniae provincias se diffuderunt. Neque Socinianis, seu, ut vulgo dicuntur, Arrianis, qui circa eadem tempora suos errores propalabant, defu-

desuerunt affectæ & Patroni, ut pro una Religione, jam diversa incolarum distraherent animos. Omnes hi, cum Romano-Catholicis uno Dissidentium de Religione vocabulo continebantur. Cujus appellationis testem habemus confœderationem anni 1573. VOL. CONSTIT. p. 209. quæ Religionis libertati prospexit, primam, ubi Ordines Regni qui eam inierunt, se dissidentes de Religione esse, fatentur, sibi que mutuam pacem, ac impunitatem sacrorum nomine appromittunt. Et revera dissidebant a se invicem, quotquot diversam Religionem sequebantur, sive ea esset Romano-Catholica, sive alia quæcunque. Non ergo per illam confœderationem, solis, qui a Romano-Catholicis secesserant, aliquid concessum, sed simul ipsis Romano-Catholicis, quod horum non minus quam cæterorum intererat. ob Sacra non turbari, non poenam, non vim pati: inprimis cum ex multitudine dissentientium non vanus illo tempore suberat metus, ne aliquando Romano-Catholicis prævalerent. Quod cum non fieret, sed illorum numerus in dies imminueretur, cœpit dissidentium vocabulum, ad Græcos, Lutheranos, & Reformatos transferri, quasi iis a Romano-Catholicis, per dictam confœderationem, beneficii instar, pax Religionis nomine concessa fuerit, cujus limites statuere & coercere, his integrum esset.

b) Sancita in Comitibus Convocationis, post Sigismundi Augusti mortem. mutua inter Dissidentes de Religione pace, non postrema fuit cura, ut eadem ab electo Rege rata haberetur, & cum cæteris jurejurando firmaretur. Id & spondebant legati Gallici, cum nomine novi Regis promitterent, Eum omnia jura, privilegia, immunitates, prærogativas - - - sive per Serenissimos Reges - - - concessas, vel quovis alio nomine quæsitas, ac diuturno usu approbatas, sive etiam circa electionem Regis, ex unanimi & concordia omnium Ordinum consensu sancitas, integre & inviolabiliter servaturum, atque Juramento corporali confirmaturum. VOL. CONST. p. 226. Postea missi a Republ. ad novum Regem Parisiis legati, inter quos, de referenda inter pacta conventa dissidentium pace, ortum certamen. Episcopo Posnaniensi, Palatino Siradiensi, & Marefchallo Curia Lituanicæ, id fieri posse negantibus, quod eidem in Polonia contradicendum fuisset, cæteris, ut fieret, exigentibus. Ambiguum reddebat Regem hæc legatorum discordia, ex quibus *Joh. Zborovius* Odolanoviensis præfectus, obversus ad *Monluccium*, Valentia
Episco-

Episcopum, qui inter Oratores Gallicos primus fuerat: *ni vos legati*, inquit, *nomine Principum (Regis Gallia Caroli, & Fratris Henrici electi jam Regis Poloniae) hanc conditionem acceptassetis, hinc Princeps nobis contradicentibus in Regem eligi non potuisset.* Henrico quarente, quid loqueretur Zborovius, hic ac Regem dirigens sermonem; *ajo*, dicebat, *Rex Serenissime, ni hi Oratores tui hanc conditionem dissidentium de Religione, nomine tuo acceptasset, nobis contradicentibus Rex eligi non potuisses, imo ni eam approbaveris, Rex Polonia non eris.* FREDRO *Hist. Henrici p. 116.*

Quare moniti a Rege legati, convenere, ut Rex cum cæteris capitibus juraret, *se pacem & tranquillitatem inter dissidentes de Religione tuiturum; manenturum, nec ullo modo vel jurisdictione sua, vel officiorum suorum & Statuum quorumvis auctoritate, quempiam affici opprimique causa religionis permissurum, nec se ipsum affecturum aut oppressurum.* VOL. CONST. p. 227. Pariter roboratur eadem pax inter dissidentes, in articulis Henrico oblatis & a Stephano firmatis. VOL. CONST. p. 253. Ipse Stephanus vero Henrici verba in suo jurejurando repetiit, & in litteris generalis confirmationis jurium fidem dedit, licet privilegia & libertates ecclesiasticas cum cæteris confirmaverit, id paci & tranquillitati inter dissidentes de religione, in jurejurando expresso derogare haud debere. VOL. CONST. p. 250. 259. Qui secuti, Reges omnes, tum per pacta sua, tum per solenne, quod dixerunt Reipubl. sacramentum, dissidentibus de Religione pacem sancte promiserunt. Michael quidem Rex de se prædicasse fertur, quod pacem hanc cum restrictione juraverit: sed quam periculosum hoc, Debicius Succamerarius Sandomiriensis exposuit: *silicet in uno puncto*, inquit, *Regi Furamentum restringere, licet in altero, consequenter in omnibus. Fatetur, se id in uno fecisse, quis scit, annon in pluribus?* Et Primas Prazmovius hanc mentis restrictionem Regi publice exprobravit. *Epist. ZALUSK. T. I. p. 170. 265. 322. seq.*

c) Intelligentur Confederationes illæ generales, quæ singulis Interregnis, in comitiis convocationis fieri solent. Prima quæ inter dissidentes pacem sanxit, est anni 1573. cujus nota (a) ad hunc §. facta est mentio, Verba latine reddita adferre juvat. *Et quoniam, ajunt Ordines, in nostra Republ. non parvum est dissidium in causa Religionis Christiana, occurrendo ne ex hac causa inter homines damnosa quadam seditio oriatur, uti in aliis Regnis clare videmus, spondemus hoc nobis invicem, pro nobis & successoribus nostris, in perpetuum, sub vinculo juramenti, fide, honore & conscientis nostris, quod, qui sumus dissidentes de religione, pacem inter nos conferuare, & propter diversam fidem, & mutationes in Ecclesiis, sanguinem non effundere, neque multare pecunia, infamia, carceribus & exilio, & superiori-*

perioritari alicui aut officio ad ejusmodi processum nullo modo auxilium dare: quin imo, si aliquis sanguinem effundere voluerit, ex ista causa, opponere nos omnes erimus obstricti, licet etiam id alioquin sub pretextu decreti aut alicujus processus judicarij facere voluerit. VOL. CONSTIT. pag. 209. Idem iisdem fere verbis posteriores confederationes statuunt. Novam tamen rem aggressa, quæ Augusti II. obitum excepit. Motis enim a Romano-Catholicis, conclavi Nunciorum iis, qui diversæ erant Religionis, caput de dissidentibus, per confederationem hoc modo formatum: *Dissidentibus in Religione Christiana*, quo nomine saltem illi, qui a Romano-Catholicis diversi intelliguntur, *pacem juxta antiquas Confederationes* & *precipue juxta constitutionem anni millesimi septingentesimi decimi septimi, ac securitatem bonorum, fortunarum & æqualitatis personarum cavemus, ita tamen, ut tantum in conclavi Nunciorum, in tribunalibus & commissionibus activitatem, simul suos privatos congressus seu conventicula, legibus prohibita, & officia Regni, Lituania, Palatinalia, terrestria & castrensia, salvois modernis possessoribus non habeant, neque ullas protectiones per se & Ministros apud exterarum potentiarum quarant, sub rigore legis, de perduellibus sancita.* CONFOED. GEN. a. 1733. p. 2. Posset hic quæri, quo jure, Nobiles electi ad Comitata Nuncii, ob Religionem, legibus probatam, contra antiquum & perpetuum usum, nullo admisso facinore, conclavi Nunciorum a fratribus, absentes, arceri; iis quæ præcipua habet equestris ordo, more in libera gente vix audito, exui; ad conditionem plebeiorum redigi, & ob questus, ob Principum exterorum, quibus per publicas pactiones, jus est, intercessionem, poenæ perduellionis subiici potuerint. Verum rem tam ampliam examinis, arctiores Commentarii nostri limites haud admittunt. Dabitur forte alio tempore locus opportunior. Laudanda tamen insignis Reipubl. æquitas, quæ per solenne cum novo Rege pactum, antiquas confederationes asseruit: celebranda est summa Principis indulgentia, qui cives veteri suo jure uti liberalissime concessit.

d) Præter confederationes, rarius in Constitutionibus de pace dissidentium agitur, existat tamen de eadem lex inter scita Comitiorum *Stephani*. VOL. CONST. p. 275. In CONSTITUTIONE a. 1631. p. 18. tit. *Zatrymanie pokoju polskiego*. Violatores pacis publicæ puniri jubentur, qui pretextu Religionis Catholicæ tumultus excitant, & vim inferunt: nec minus per aliam CONSTIT. a. 1638. p. 44. tit. *Poená ná tych*, mulcta in eos statuitur, qui in Civitatibus Prussiæ, Romano-Catholicos in exercitio suæ Religionis turbaturi. Ex hac


tamen ratione, in pactis antiquæ constitutiones allegantur, ne diversæ Religioni addictis, superioris Interregni Confœderatio, quæ eisdem Constitutioni anni 1717. subiicit, noceret. Est autem illa Constitutio, nonnisi Articulus IV. Varfaviensis post confœderationem Tarnogrodiensem, pacificationis, qui ideo Constitutionis nomine venit, quod tota Transactio inter constitutiones sequentium Comitiorum recepta. Sed jam anno 1717. *Augustus II.* singulari rescripto caverat, dictum „articulum prioribus Confœderationibus, „Regis pactis conventis, ac quibusvis dissidentium juribus haud quicquam de- „rogare debere.


e) Paci dissidentium multi intercesserunt, Sacri, Civiles, Senatorii, Equestris Ordinis, neque uno tempore, sed diversis. Cum primum eadem a. 1573. sanciebatur, statim contradictiones, non quidem in ipsis coronationis comitiis, post illa tamen, scriptæ, & Parisiis coram Rege *Henrico*, ab Episcopo Posnaniensi, Palatino Siradiensi, & Marefchallo Curia Lituanæ, qui ex numero legatorum erant, repetitæ fuerunt, quæque in Epistolis *ZALUSKIANIS Tom. II. p. 749. seq.* exhibentur. Post electionem *Sigismundi III.* tres Episcopi, suo & aliorum Archi-Episcoporum, omniumque, sive ex sacro sive civili Ordine, secumfacientium nomine, paci dissidentium & Regio in eandem jurijurando singulari scripto oblocuti, cujus capita exhibet *Illustriss. Regni Referendar. JOSEPH ANDR, ZALUSKI* in libro quem inscripsit: *Dwa miecze* (gladii duo) p. 70. 71. Et cum Rex ille, in templo Olivensis monasterii, prope Gedanum, in pacta conventa juraret, Episcopus Gnesnensis; nomine Romano-Catholicorum, paci inter dissidentes iterum contradixit, at pro iis, qui diversæ religionis, Przienius, regessit. *HIST. PRUSS. Tom. IV. p. 26.* Mortuo *Sigismundo III.* Confœderationi generali Archi-Episcopus Gnesnensis cum Episcopis, ac illi, qui in Religione Romano-Catholica ardentiores, aut salvis juribus Ecclesiæ Romanæ, aut excepto articulo Confœderationis subscripserunt, eo consilio, ut vel plane averfarentur inter dissidentes pacem, aut interpretandi eandem ad suæ Ecclesiæ commodum, sibi potestatem servarent integram. Primum hoc fuit exemplum subscriptæ in religionis causa, cum exceptione, confœderationis, quod ex illo tempore in consuetudinem transit. Lutherani contra & Reformati, per suas subscriptiones, dissidentium pacem integram servare conati

conati, quod primum factum in confœderatione ante electionem *Johannis Casmiri*, & postea repetitum fuit. Antea tamen questi in Comitibus Electionis *Vladislai IV.* de inducta a Romano-Catholicis novitate, convenitque post longas & acres disceptationes, ut in pactis conventis novi Regis, paci dissidentium verba adiicerentur: *non obstantibus quibuscunque protestationibus, & salvis juribus Ecclesia Romano-Catholica, integra tamen in omnibus dissidentium in Religione Christiana pace & securitate.* PIASEC. *Chron.* p. 448. HIST. PRUSS. T. VI. p. 12. 13. PORZ. ELEK. 4, 1632, p. u. §. a w teysamey. Quæ in pactis conventis *Johannis Casmiri, Michaelis, Johannis III. & Augusti II.* repetita leguntur. Nisi quod in *Augusti II.* pactis, Juribus Ecclesiæ Romano-Catholicæ, *excepta & jura Ducatus Masoviae & Livonia* nominatim juncta, occurrunt. Nihilominus in pactorum conventorum subscriptionibus jurium Ecclesiæ Romano-Catholicæ, ut & pacis dissidentium fit mentio, ut hæc pariter & illa salva sint, quasi a privatis roborandum esset, cui per sollemnem conventionem inter Regem & Rempubl. prospectum.

f) Integra illa pax & securitas jam in prioribus pactis fuit promissa, uti modo dictum. Est autem pax & securitas integra, ubi ob Religionem nemo turbatur, nemo possessionibus suis exuitur, aut dignitatibus caterisque, quæ per leges sperare potest, arcetur. Usi eadem una cum Romano-Catholicis, qui Religionis erant diversæ, neque obstabat lex, quo minus uterentur. Fuerunt in Senatu, & in conclavi Nunciorum, gesserunt publica munia, adhibiti quibusvis Reipubl. negotiis. Solet quidem a nonnullis obiici statutum *Vladislai Jagellonis* nota (a) ad hunc §. memoratum, ut & Ordinum *Confœderatio Korczini* a. 1438. contra hæreticos inita. LASCO f. 76. PRILUS p. 171. HERBURT. tit. *Hæreticus.* Sed ostensum eadem nota (a) *Vladislai* Statutum, in Hæreticos ex Bohemia, qui Hussitæ dicti, latum, quod & de Confœderatione Ordinum dicendum. Minime intelligendi Græci, Lutherani & Reformati, quibus dissidentium nomine in pactis asserita securitas; Græci enim ante Jagellonem fuerunt, promisitque illis Religionis libertatem *Casmirus M.* cum Regno jungeret, ut constat ex allegata nota a. Lutherani vero & Reformati *Vladislai Jagellonis* tempore nondum exlitterunt, qui ergo potuerunt ejus lege cœrceri? Quod si quis eosdem nihilominus ad hæreticos referre velit, næ is Regi & Reipubl. adversatur, qui

qui dissidentium vocabulo non hæreticorum utuntur. Cum ergo a. 1658. in comitiis vox audiretur, hæreticum per se esse infamem, neque in Nunciatorum conclavi locum habere posse: statim subjunxerunt Romano-Catholici, per hæreticos solos intelligi Arrianos, non dissidentes, quales essent Lutherani, Reformati & Græci. HIST. PRUSS. T. VII, p. 198. De his Dissidentibus, *Augustus II.* in pactis conventis §. *Wrozdawianu*, plane & aperte loquitur: in distributione dignitatum, sellarum Senatoriarum & Capitaneatum cum jurisdictione continuum usum & antiquam praxin, a sanctæ memoria, *Johanne Casimiro, Michaele, Johanne III.* sacrosanctæ observatam, punctualiter retinere promittimus, exceptis Mennonistis, Anabaptistis, Quakeris, qui hoc jure, quod dissidentibus in Religione Christiana servit, uti non debent: quin etiam omnia jura & statuta, contra Arrianos lata, in eos reassumimus. Pacificatio post Tarnogrodensem confœderationem, parum alias dissidentibus favens, non tamen iisdem viam ad dignitates præcludit, sed id tantum art. 2. §. 6. Cancellariis injungit, ut iisdem sine præjudicio Catholicorum gratias Regias sigillent. CONST. a. 1717. p. 13. Quam indigne per ultimi Interregni confœderationem habiti, supra jam allatum. Verum reddita iis, per pacta conventa, priori pace & securitate, antiquum jus nova lege firmatum fuit.









Biblioteka Jagiellońska

stdr0023971

